

Baca petikan di bawah dengan teliti, senaraikan perbandingan semacam yang terdapat dalam petikan di bawah. Kemudian, bina ayat dengan menggunakan perbandingan semacam tersebut.

Angsa Putih Nenek

Sepanjang perjalanan ke kampung, Sufian sudah terbayang kehijauan sawah padi, anak sungai dan pokok rambutan gading di halaman rumah usang nenek. Senyuman nenek yang manis itu sudah terukir di matanya. Ah, rindunya kepada nenek! Terasa lambatnya kereta yang dipandu oleh ayah. Kata orang **lambat macam kura-kura**. Ibu selalu berpesan biar lambat asal selamat. Tiba sahaja di pekarangan rumah nenek, Sufian terus berlari memanjat tangga usang rumah nenek.

"Nenek, nenek!" panggil Sufian kuat. Kelihatan nenek muncul di muka pintu dengan senyuman bahagia.

"Wah, sudah sampai cucu nenek!"

Segala indah belaka jika bertamu di rumah Nenek Siah. Nenek memang memanjakan cucu sulungnya itu seperti menatang minyak yang penuh. Selepas menikmati hidangan tengah hari gulai ayam kampung nenek, Sufian meninjau-ninjau belakang rumah nenek.

"Nek masih pelihara angsa putih itu?" tanya Sufian.


"Ya, Pian, angsa inilah yang menjadi peneman nenek," ujar Nenek Siah.

Sufian teringat kembali peristiwa tiga tahun yang lalu. Setiap kali pulang ke kampung pasti ada sesuatu yang mengganggu keseronokan Sufian menjelajah kampung neneknya itu. Peristiwa dia berlari **pantas seperti kilat** semasa diserang oleh angsa nenek terasa lucu sekali. Wajahnya ketika itu **pucat seperti mayat**. Amir dan Yusof yang **kurus macam lidi** pasti tidak mahu bertandang ke rumah nenek jika angsa kesayangan nenek itu berkeliaran di halaman rumah. Rancangannya untuk bermain perang-perang pasti terganggu. Pernah juga Sufian menyuruh Nenek Siah menjual angsa itu, tetapi nenek enggan.

Ternyata angsa putih yang garang itu turut berjasa kepada nenek. Bunyi bising tiga ekor angsa pada subuh hari telah mengejutkan kami yang sedang diulit mimpi. Rupa-rupanya, seorang pencuri yang dikejar angsa berjaya ditangkap oleh Pak Long Man, jiran nenek. Kini, baru Sufian tahu tentang sebab nenek tetap memelihara tiga ekor angsa itu dengan baik. Rasa kasihnya juga tumpah kepada angsa nenek yang **putih macam kapas**. Besar sungguh jasa angsa putih nenek!

*Dipetik daripada halaman 21,
Tema 2: Beringat supaya Selamat,
Buku Teks Tingkatan 1,
Dewan Bahasa dan Pustaka*

NO.	PERBANDINGAN SEMACAM	MAKSUD
1	lambat macam kura-kura	sangat lambat sehingga dibandingkan dengan kura-kura
2	pantas seperti kilat	sangat pantas sehingga dibandingkan dengan kilat yang memancar dengan cepatnya
3	pucat seperti mayat	sangat pucat wajah seseorang sehingga dibandingkan dengan mayat
4	kurus macam lidi	keadaan fizikal yang sangat kurus sehingga dibandingkan dengan lidi.
5	putih macam kapas	sesuatu yang putih sekali warnanya sehingga dibandingkan dengan kapas.



Sudut pengayaan

Lengkapkan perbandingan semacam di bawah ini dengan rujukan daripada buku teks dan buku-buku rujukan yang sesuai.

NO	PERBANDINGAN SEMACAM	NO	PERBANDINGAN SEMACAM
1	adil macam hakim	26	mahal macam emas/berlian
2	angkuh macam merah	27	manis macam madu/gula
3	bebas macam burung	28	masam macam cuka
4	berani macam harimau/singa	29	masin macam garam
5	berat macam batu	30	merah macam biji saga
6	besar macam gajah	31	merdu macam buluh perindu
7	bijak macam pendeta	32	nipis macam kertas
8	bulat macam bola	33	pahit macam hempedu
9	busuk macam tahi/bangkai	34	pedas macam cili/cabai
10	cantik macam bidadari/bunga	35	panas macam api
11	degil macam keldai	36	rajin macam semut
12	gebu macam kapas	37	rata macam padang
13	gelap macam malam	38	ramai macam pasar/semut/ulat
14	halus macam baldu/habuk	39	ringan macam kekabu
15	hangat macam api/negara	40	riuh macam pasar
16	harum macam bunga	41	sabar macam nabi
17	hijau macam rumpun	42	sejuk macam ais
18	hitam macam arang/buntut kualiti	43	sibuk macam lebah
19	ikal macam mayang	44	tajam macam pedang/pisau/sembilu
20	jahat macam hantu/syaitan	45	tawar macam air
21	jernih macam cermin	46	terang macam siang
22	jinak macam merpati	47	tinggi macam galah
23	kencang macam ribut	48	tumpul macam belakang parang
24	lembut macam sutera	49	wang macam bunga
25	luas macam padang	50	zalim macam Firaun

